

117

服部文庫
117
2



117
177
2

古周禮地官目錄

教官之屬七十八

大司徒

小司徒

鄉師

鄉大夫

附鄉老

州長

黨正

族師

閭胥

比長

封人

鼓人

舞師

牧人

牛人

克人

載師

閭師

縣師

遺人

甸人

師氏

保氏

司諫

司救

調人

媒氏

司市

質人

屨人

胥師

賈師

司諫

司稽

胥

肆長

泉府

司門

司關

掌節

遂人

遂人

遂師

遂大夫

縣正

鄙師

鄴長

里宰

鄰長

旅師

稍人

委人

土均

草人

稻人

土訓

誦訓

山虞

林衡

川衡

澤虞

迹人

邦人

角人

羽人

掌葛

掌染草

掌炭

掌茶

掌蜃

圉人

場人

廩人

舍人

倉人

司祿

舍人

舍人

同卿

園人

園人

園人

掌芟

掌茶

掌盥

陳人

掌葛

掌樂草

巫人

巫人

巫人

林澮

川澮

灋澮

土階

濇階

山藟

土酋

草人


獸人

越刑

越人

越人

注釋古周禮卷二



郎兆玉完白注釋

友葉自本茂叔參閱

男郎奎金公在糾譌

地官司徒第二

惟王建國辨方正位體國經野設官分職以為民極
乃立地官司徒使帥其屬而掌邦教以佐王安擾邦
國

邦教即六典之教典因其性而導之日安矯其習
而馴之日擾書周官司徒掌邦教敷五典擾萬民
大司徒之職掌建邦之土地之圖與其人民之數以

古周禮

二卷

三

佐王安擾邦國。以天下土地之圖。周知九州之地域。廣輪之數。辨其山林川澤丘陵墳衍原隰之名物。而辨其邦國都鄙之數。制其畿疆而封溝之。設其社稷之壇。而樹之田主。各以其野之所宜木。遂以名其社與其野。

大司徒教官之長。司主守也。徒衆也。謂萬民也。教養萬民之衆。故謂之司徒。朱氏曰。大而德行則教之小。而徒役則司之。司至于徒。則教官所司皆舉矣。土地建其圖。則知遠近之所宜。人民建其數。則知多寡之所在。周禮也。九州。揚州。豫。青。兗。雍。幽。冀。并也。廣。橫也。輪。從也。東西爲廣。南北爲輪。凡此皆可按圖而知之。積石。口山。竹木。曰林。注。廣曰川。水鍾曰澤。土高曰丘。大白曰陵。水涯曰墳。下平曰行。

高平曰原。下濕曰隰。辨其名。則知其所在。辨其數。則知其所宜。辨邦國。謂畿外。誅侯。邦國之數。辨都鄙。謂畿內。公卿采地之數。畿卽九畿。見大司馬。疆界也。制其畿疆。或封土以表之。或溝水以限之。壇。祭社稷之壇也。田主。田神也。樹立木以爲表也。所宜木。謂松栢栗之類。名其社與野。如地宜松。卽名松社之類。野之類。

以土會之。灋。辨五地之物生。一曰山林。其動物宜毛物。其植物宜阜。阜。物。其民毛而方。二曰川澤。其動物宜鱗物。其植物宜膏物。其民黑而津。三曰丘陵。其動物宜羽物。其植物宜覈物。其民專。團。而長。四曰墳衍。其動物宜介物。其植物宜藎物。其民皙而瘠。五曰原

隰其動物宜羸裸物其植物宜叢物其民豐肉而庠婢因此五物者民之常而施十有二教焉。一曰以祀禮教敬則民不尙。二曰以陽禮教讓則民不爭。三曰以陰禮教親則民不怨。四曰以樂禮教和則民不乖。五曰以儀辨等則民不越。六曰以俗教安則民不偷。七曰以刑教中則民不蕪暴。八曰以誓教恤則民不怠。九曰以度教節則民知足。十曰以世事教能則民不失職。十有一曰以賢制爵則民慎德。十二曰以庸制祿則民興功。

下士食民賦稅以為治也黨正州長鄉大夫則已嘗為大夫者其家既受田矣別有宅田官田以賦其祿或又有賞田牛田牧田以益之平賢者以次而升不賢者以次而降升者加其爵秩益其田祿降者下其爵秩減其田祿此小司徒所以歲終則考屬官之治而誅賞大比則平教治正政事考夫屋鄉師歲終則考六鄉之治以詔司徒廢置大比則考教察辭稽器展事以詔司徒誅賞是以古者之民貧富貴賤常與人之德行才能相稱故俸民不得逞而姦民不得肆朝夕孜孜措心發慮未嘗不欲勤其事盡其職敏其行以聽上之旌舉也成周之治其根本盡在于此

封人中士四人下士八人府二人史四人胥六人徒六十人

鼓人中士六人府二人史二人徒二十人何氏曰鼓人兼掌金

而稱鼓人者金以節鼓也不屬司樂者

以金鼓和軍旅正田役鄉野之事也

舞徒給祿役能舞者柯氏曰此

教舞以供野祀司樂之舞則學士為之

牧人下士六人府一人史二人徒六十人

牛人中士二人下士四人府二人史四人胥二十人

徒二百人

充人下士二人史二人胥四人徒四十人

載師上士二人中士四人府二人史四人胥六人徒

六十人

閭師中士二人史二人徒二十人

縣師上士二人中士四人府二人史四人胥八人

八十人

遺人中士二人下士四人府二人史四人胥四人徒

四十人

均人中士二人下士四人府二人史四人胥四人徒

四十人

師氏中大夫一人上士二人府二人史二人胥十有

二人徒百有二十人

保氏下大夫一人中士二人府二人史二人胥六人

徒六十人一人士二人史二人胥十人

司諫中士二人史二人徒二十人

司救中士二人史二人徒二十人史四人胥四人

調人下士二人史二人徒十人

媒氏下士二人史二人徒十人史四人胥四人

司市下大夫二人上士四人中士八人下士十有六

人府四人史八人胥十有二人徒百有二十人

質人中士三人下士四人府二人史四人胥二人徒

二十人

廛人中士二人下士四人府二人史四人胥二人徒

二十人

胥師二十肆則一人皆二史賈師二十肆則一人皆

二史司號十肆則一人司稽五肆則一人胥二肆

則一人肆長每肆則一人賈音古

冢府上士四人中士八人下士十有六人府四人史

八人賈八人徒八十人

司明下大夫二人上士四人中士八人下士十有六

人府二人史四人胥四人徒四十人每門下士二

人府一人史二人徒四人

每門下士二人則入門也漢猶用士人如城門

校尉是也後世則以奄人掌之

司關上士二人中士四人府二人史四人胥八人徒

八十人每關下士二人府一人史二人徒四人

掌節上士二人中士四人府二人史四人胥二人徒

二十人

逐人中大夫二人逐師下大夫四人上士八人中士

十有六人旅下士三十有二人府四人史十有二

人胥十有二人徒百有二十人

逐大夫每逐中大夫一人縣正每縣下大夫一人鄙

師每鄙上士一人鄙長每鄙中士一人里宰每里

下士一人鄰長五家則一人

逐之地在王國百里外縣鄙鄆里鄰皆逐

之屬也郊內有比閭族黨州鄉郊外有鄰里鄙鄆縣遂內外異名者遠近之等也

按周制國中自五家之鄰而至于萬二千五

百家之遂自比長一下士而至鄉大夫之卿自里宰

一以下士而至遂大夫經筵設官制相彷彿或欲取遂人以下屬冬官備矣

旅師中士四人下士八人府二人史四人胥八人徒

二十人

大夫以下則州里中之賢者而民自與之也遂師謂在逐大夫之上而兼總六遂之政其事煩其賢備員用六十人役一百五十人遂大夫以下皆聽命焉皆與官也

稍人下士四人史四人徒十有二人

委人中士二人下士四人府二人史四人徒四十人
土均七士二人中士四人下士八人府二人史四人
胥四人徒四十人

草人下士四人史二人徒十有二人

稻人上士二人中七四人下士八人府二人史四人
胥十人徒百人

土訓中士二人下士七四人史二人徒八人
誦訓中士二人下士四人史二人徒八人

山虞每大山中士四人下士八人府二人史四人胥
八人徒八十八人中山下士六人史二人胥六人徒
六十人小山下士二人史一人徒二十人

林衡每大林麓下士十有二人史四人胥十有二人
徒百有二十人中林麓如中山之虞小林麓如小
山之虞

川衡每大川下士十有二人史四人胥十有二人徒
百有二十人中川下士六人史二人胥六人徒六
十人小川下士二人史一人徒二十人

澤虞每大澤大藪中士四人下士八人府二人史四
人胥八人徒八十人中澤中藪如川中之衡小澤

小藪如小川之衡

小川林麓澤藪
百物所產也

迹人中士四人下士八人史二人徒四十人

井入中士二人下士四人府二人史二人胥四人徒

四十人

角人下士一人府一人徒八人

羽人下士二人府一人徒八人

掌葛下士二人府一人史一人胥二人徒二十人

掌染草下士二人府一人史二人徒八人

掌炭下士二人史二人徒二十人

掌荼下士二人府一人史一人徒二十人

掌蜃下士二人府一人史一人徒八人

圉人中士四人下士八人府二人胥八人徒八十人

場人每場下士二人府一人史一人徒二十人

廩人下大夫一人上士四人中士八人下士十有六

人府八人史十有六人胥三十人徒三百人

舍人上士二人中士四人府二人史四人胥四人徒

四十人

倉人中士四人下士八人府二人史四人胥四人徒

四十人

司祿中士四人下士八人府二人史四人徒四十人

司稼下士八人史四人徒四十人

春人奄二人女春挑二人奚五人

女春挑女奴能春與挑者挑打田也

詩曰或春或挑
○挑由榆二音

饅人奄二人女饅八人奚四十人

女饅女奴能渝饅者詩曰吉調為饅

○饅一
本作饅

橐人奄八人女橐每奄二人奚五人

女橐女奴能治鑽者

注釋古周禮卷二

地官

教官之屬大司徒卿一人小司徒中大夫二人鄉師
 下大夫四人上士八人中士十有六人旅下士三
 十有二人府六人史十有二人胥十有二人徒百
 有二十人司徒掌六鄉鄉師分而主之二人共二
 鄉之事故下大夫四人以相左右而數
 其政教也

鄉老二鄉則公一人柯氏曰鄉老者致事公孤之老
 鄉官之爵最尊者昔成王立三

鄉老
 公一人卿
 大夫卿一
 人少者而

古周禮

二卷

一

堂集禮

濃果不可行于今矣夫古之天下亦今之天下安
有可行于古而不可行于今哉今考司徒設官鄉
遂大夫而下有爵秩各位而無府史胥徒者皆鄉
遂之民差其等正其位職其教者也無官府之設
故無府史胥徒之役設官府以治鄉遂者惟鄉師
遂師以治六鄉六遂載師閭師則居鄉遂之中縣
師則居於都鄙而專治焉故鄉遂之中惟此四官
各有府史胥徒為受命天子操刑政之權以治民
事之正官自鄉大夫至此長自遂大夫至鄰長皆
鄉遂之民各為保伍各相教治異其爵秩別其貴
賤謂之教官謂之鄉吏不受命天子操刑政之權
者也然則其祿何如北長雖統五家即上農也閭
胥受二家之田也為二十五家之長族師雖統百
家亦受四家之田又有士田以益之也此皆農人
之中德行才能足兼五人二十五人百人之上者
為其田以處之為其秩以等之所謂上士即上農
中士倍之上十又倍者亦合其子弟受之土田令
其自耕以供一室之衣食耳固不如在職之上也

會計也五土水火土金也物生五土所宜動植
之物也動物天產也植物地產也毛物狐貉之屬
阜物柞栗之屬山林之民得水之氣多故毛而方
毛者木之氣方者曲直之義也鱗物魚龍之屬膏
物桐漆之屬津潤也川澤之民得水之氣多故黑
而津黑者水之色津者潤下之義也羽物翟雉之
屬覈挾也梅李之屬專圓也丘陵之民得火之氣
多故專而長專者火之象長者炎上之義也介物
龜蟹之屬莢物王棘之屬皙白也墳衍之民得金
之氣多故皙而瘠白者金之色瘠者堅瘦之義也
羸物鼃蟪之屬叢物萑葦之屬豐厚庫短也原隰
之民得土之氣多故豐肉而庫豐肉者土之體庫
者姓下之義也蓋五行運于天而其氣寓于土人
物皆稟是以生也五地之物所生異宜五物之民
所習異便故因其性習之常而教于是乎設焉祭
祀之禮尚敬民故祗慎而不苟于事也鄉飲之禮
尚齒民故遜讓而無爭鬪也陰禮婚姻之禮以合
二姓之好而民之怨曠自消樂禮享燕作樂之禮

以導人心之和而民之乖離自化宮室車旗衣服之儀有貴賤之等則上下之分辨故無踰越五方民俗人情所安因以施教民自安居樂業故不偷薄制刑以彌教使民協于中民既協于中故暴不作誓約其民使相救恤風俗以任恤相高故民不怠于為義以灑度教之使知節制則民無侈心故自知足士農工商世守其事各有所能民自父作子述故不失職詔爵以德則民自勉而謹于德行詔祿以功則民自勉而興于功業

以土宜之灋辨十有二土之名物以相民宅而知其利害以阜人民以蕃鳥獸以毓草木以任土事辨十有二壤之物而知其種以教稼穡樹藝

十二分野之上各有所宜辨其名謂自墳黑墳之類辨其物謂所生之物相視其地以奠民居使知趨利避害各得其所也居既得所則民生阜盛動物蕃息植物生毓有事于地者皆任焉此皆知其利害使之然也壤穀土也分別物之所生而知其所植之種教民春稼秋穡樹禾藝黍稷焉

以土均之灋辨五物九等制天下之地征以作民職以令地貢以斂財賦以均齊天下之政

均平也五物五地所宜之物九等上中下各三等也地征者貢賦稅斂之總各五物九等既辨則天下之地征可得而制矣民職即大宰之九職地貢即太宰之九貢財賦即大宰九賦之財此皆以均平齊一天下之政也

以土圭之灋測土深正日景以求地中日南則景短多暑日北則景長多寒日東則景夕多風日西則景

朝多陰。日至之景，尺有五寸，謂之地中。天地之所合也。四時之所交也。風雨之所會也。陰陰之所和也。然則百物阜安，乃建王國焉。制其畿方千里，而封樹之。

土圭長一尺五寸，其濶用之下，可以測上，深上可以正日景。夏至日正中時，立八尺之表，以候日景。以土圭量之，其景短于土上，則其地在日南，而多暑。其景長于土圭，則其地在日北，而多寒。景在表之東，是地在日東也。景在表之西，是地在日西也。景朝謂日中時，其景尚如朝時也。如此則其地多陰。凡此者，皆非地中也。蓋地近南則多暑，近北則多寒。東方近海，故多風。西方近山，故多陰也。夏至日正中時，量以上土，其日景長一尺五寸，與土圭合，乃地中也。以其地當天地之中，故曰合交者。西時皆協其候也。會者，風雨以序而至也。和者，陰陽調而不乖也。百物阜安，有生者遂，有形者育也。其地可以建立王國，于是制為王畿，地方千里，封土以為界，且樹木以為固也。

凡建邦國，以上土。土其地而制其域。諸公之地，封疆方五百里。其食者半。諸侯之地，封疆方四百里。其食者參三之一。諸伯之地，封疆方三百里。其食者參之一。諸子之地，封疆方二百里。其食者四之一。諸男之地，封疆方百里。其食者四之一。

日景，移一寸則差千里，故建諸侯之國，亦以土圭測之。土其地，謂度其地也。制其域，音境界，皆有營域，封圻也。其食者半，謂公所食租稅得其半而已。其餘則貢于天子也。侯降于公，伯降于侯，子降于

備其食其種，種也。食者半其餘，不但其天，子益，腳大，失之，祿也，經其中。

伯男降于子故地亦通減參之一伯與侯同也四
之一男于子同也○朱氏曰此五等諸侯之地與
孟子所言不同考之史傳周公封魯太公封齊皆
不止百里孟子王制之言與周制不合說者以周
禮兼附庸及統山林川澤而言廣封之制也○梁
氏曰孟子王制皆言公侯百里伯七十里子男五
十里而此言諸公五百里諸侯四百里諸伯三百
里諸子二百里諸男一百里其不同者孟子王制
以所食租稅言之如後世所謂實封也此則以封
疆言之而凡貢于天子及附庸之國皆在其中矣
凡造都鄙制其地域而封溝之以其室數制之不易
之地家百晦一易之地家二百晦再易之地家三
百晦乃分地職莫定地守制地貢而頒職事焉以為
地瀆而待政令

都鄙者王畿內公卿采地所居曰鄙其界曰都制
地域與建邦國同封土溝水以示限也以室數制
之者依都鄙城內室數于田野之中制地與之也
不易之地域內田有肥瘠不齊不易之地歲歲可
種是為上田一家受一百晦一易之地再歲一種
是為中田一家受二百晦再易之地三歲一種是
為下田一家受三百晦地職若三農園圃之類地
守若山虞守禁之類地貢若九穀艸木之類頒職
事分布其命使各為其所職之事地職地守地
貢各有度數謂之瀆凡此皆以待上之政令也
以荒政十有二聚萬民一曰散利二曰薄征三曰緩
刑四曰弛力五曰舍禁六曰去幾七曰省省禮八曰
殺晒哀九曰蕃樂十曰多昏十一曰索色鬼神十
有二日除盜賊

荒凶年也救荒之政十有二條聚民使不離散也散利貸民種食也薄征輕其租稅也緩刑以歲凶犯濫者多故寬之弛力以民飢堪役者少故息之舍禁舍山澤之禁與民同利也去幾去門關之譏便民轉移也肯禮吉禮之中減其禮數也殺哀凶禮之中殺其禮數也蕃與藩同閉藏樂器而不作也多昏婚姻殺禮使男女及時也索鬼神荒年災禍易起搜索鬼神而祠禱之以祈民庥也除盜賊荒年剽竊者多除之以去民害也

以保息六養萬民。一曰慈幼。二曰養老。三曰振窮。四曰恤貧。五曰寬疾。六曰安富。

保息保安而使蕃息有此六條以養萬民也慈幼如產子三人與之母二人與之餼是也養老如七十者賜粟八斗以上者賜帛是也振窮民之厄窮者振救之恤貧民之困苦者賜給之寬疾疾者寬之不以力役加焉安富富者安之不以暴斂攘焉

以本俗六安萬民。一曰媾美宮室。二曰族墳墓。三曰聯兄弟。四曰聯師儒。五曰聯朋友。六曰同衣服。

本俗舊俗也因其舊俗有此六條以安萬民也媾宮室上棟下宇以同其安族墳墓左昭右穆以同其葬聯兄弟以燕以食所以同其恩聯師儒以賢以道所以同其善聯朋友鄉田同井學校同藝同衣服賁賤有常上下有制

正月之吉始和布教于邦國都鄙。乃縣教象之灋于象魏。使萬民觀教象挾日而斂之。乃施教灋于邦國都鄙。使之各以教其所治民。令五家為比。使之相保。

五比為閭。使之相愛。四閭為族。使之相葬。五族為黨。使之相救。五黨為州。使之相調。五州為鄉。使之相賓。

布教頒布十二教以下之事于邦國之諸侯都鄙之卿大夫也。縣教象于象魏以地官之教灋畫之為象而縣于兩觀使人觀而儀則之。各教其所治使邦國諸侯教邦國之民都鄙鄉大夫教都鄙之民也。令六卿之民各五家為一比。保猶任也。居相親近則易相督察也。二十五家為一閭。相受者居同門閭則可相容納也。一百家為一族。相葬者族相聚則材足以相容納也。五百家為一黨。相救者災厄足以相救也。二千五百家為一州。相調者有難能皆備于中。相與賓而興之也。

頒職事十有二于邦國都鄙。使以登萬民。一曰稼穡。

二曰樹藝。三曰作材。四曰阜蕃。五曰飭材。六曰通材。

七曰化材。八曰斂材。九曰生材。十曰學藝。十有一曰

世事。十有二曰服事。

頒布也。職事民之事也。登成也。稼穡即三農生九穀也。樹藝即園圃毓草木也。作材即虞衡作山澤之材也。阜蕃即敷牧養蕃鳥獸也。飭材即百工飭化入材也。通材即商賈早通貨賄也。化材即嬪婦民無常職。轉移執事也。此上九者與大宰九職相類。學藝講習道藝也。世事世守先業也。服事服勤公事也。

以鄉三物教萬民而賓興之。一曰六德。知仁聖義忠

和。二曰六行。孝友睦婣。任恤。三曰六藝。禮樂射御

書數

物猶事也。三物德行藝也。與猶舉也。三事告成，鄉大夫舉其賢能以賓禮而興起之。出于心者曰德，知別是非仁無私欲聖無不通義有斷制盡已之心曰忠，無所乖戾曰和，體于身者曰行，孝于父母友于兄弟睦謂親于九族，姻謂親于外族，任信于朋友，恤振于貧窮，見于事者曰藝。五禮六樂五射五御六書九數。○五射白矢參連剡注襄尺并儀。五御鳴和鸞逐水曲過君表舞交衛逐禽左六書象形會意轉注指事假借諧聲九數方田粟布差分少廣商功均輸盈朒方程勾股。以鄉八刑糾萬民。一曰不孝之刑，二曰不睦之刑，三曰不婣之刑，四曰不弟之刑，五曰不任之刑，六曰不恤之刑，七曰造言之刑，八曰亂民之刑。

不從三物之教則設刑以科督之造言訛言惑眾也亂民左道亂政也

以五禮防萬民之僞，而教之中以六樂防萬民之情，而教之和。凡萬民之不服教，而有獄訟者，與有地治者聽而斷之。其附于刑者歸于士。

五禮吉凶軍賓嘉也禮者中而已虛誑而不實者不知禮之本也故教以禮所以節止其侈僞使行得其中六樂雲門咸池大韶大夏大濩大武也樂者和而已流蕩而肆情者不知樂之本也故教以樂所以消融其情欲使心一于和六藝之教禮樂在其中矣此又重言之者教民莫大于禮樂也不服教不服上之教也成非曰獄告爭曰訟有地治謂鄉州之官司徒與之聽其獄訟而斷決之士獄官也其附麗于瀆者歸諸士師使刑之上鄉刑教刑也此則官刑也

祀五帝奉牛牲。羞其肆。剔享先王亦如之。大賓客令野修道委積。貴大喪帥六鄉之衆庶屬其六引而治其政令。大軍旅大田役以旗致萬民而治其徒庶之政令。若國有大故則致萬民于王門。令無節者不行于天下。大荒大札則令邦國移民通財。舍禁弛力薄征緩刑。

祀五帝祀五方之帝也。奉猶進也。謂獻腥也。肆陳骨體也。謂獻熟也。諸侯來朝稱賓。卿大夫來聘稱客。令遣人于野治其道途。共其委積。芻薪禾米之屬。天子之喪七月而葬。屬謂挽柩向廬。六引謂引喪車索也。治其政令檢校挽柩之事也。大軍旅謂兩馬九伐之事。大田役謂治兵大閱之事。旗畫熊虎者也。帥謂皆常用。衆則刻日立旗。期于旗下。與徒庶中其教戒焉。大故大喪及兵寇也。致民于王門以衛天子有節乃得行無節不得行所以防姦也。荒凶年札疫癘移民通財民食不足移之以就有餘若有餘通之以濟不足力力役也。餘並見荒政。

歲終則令教官正治而致事。正歲令于教官曰各共爾職脩乃事以聽王命。其有不正則國有常刑。

正治謂脩文書致事謂上計簿歲終則以此令教官將以待致歲會也。令于教官警其官屬之辭。

小司徒之職掌建邦之教灋以稽國中及四郊都鄙之夫家九比之數以辨其貴賤老幼廢疾凡征役之施。弛舍。捨與其祭祀飲食喪紀之禁令乃頒比灋于

六卿之大夫。使各登其鄉之衆寡。六畜車輦。辨其物。以歲時入其數。以施政教。行徵令。及三年則大比。大比則受邦國之比。要乃會萬民之卒伍而用之。五人爲伍。五伍爲兩。四兩爲卒。五卒爲旅。五旅爲師。五師爲軍。以起軍旅。以作田役。以比追胥。以令貢賦。乃均土地。以稽其人民。而周知其數。上地家七人。可任也。中地家三人。下地家六人。可任也者。二家五人。下地家五人。可任也者。家二人。凡起徒役。毋過家一人。以其

餘

疾唯田與追胥。竭作。凡川衆庶。則掌其政教也。

其戒禁聽其辭訟。施其賞罰。誅其犯命者。凡國之大。事致民。大故致餘子。

小司徒。大司徒之副貳也。稽攷也。夫家猶言男女也。九比。出九比者之人數也。貴謂卿大夫。賤謂販賣者。廢疾謂癘病。征謂征稅。役謂徭役。施舍。老幼癘病者皆施捨其征役也。祭祀以事神。飲食以養生。喪紀以送死。皆有禁令。不使失禮。灋也。頒。比灋。頒其九比之度數也。登載也。衆寡謂民之多少。車輦謂師行之具。若登載于簿書。使知其數也。辨其物。辨其可用之物。入其數。入其登載之數。施政教謂行鄉射之禮。行徵令。謂起徒役之事。大比。謂更閱民數及其財物也。比。要謂大比之簿書也。會。聚萬民。閱其材堪充卒伍者。以待使用焉。古者寓兵于農。居則爲比。閭。族。黨。州。鄉之民。出則爲伍。兩。卒。旅。師。軍之兵。司徒掌力役者也。故因民之卒伍而行之。起軍旅用征伐也。作田役習戰陣也。追逐也。

胥伺也捕盜賊也貢賦制軍需也卒伍之制一定
征伐之時起之以為軍旅四時之中作之使趨田
役寇盜之警比之使任追胥閑暇之時令之使出
貢賦均平也周知其數徧知多寡之數也一家受
田百畝七口以上則授以上地可任力役者每家
三人六口則授以中地可任力役者二家共五人
五口以下則授以下地可任力役者每家三人此
因授地之上下以均任受之多少也凡起役作每
家可任者雖多唯一人為正卒其餘皆為羨卒不
過役也唯田獵與逐捕盜賊則正卒羨卒並行焉
用衆庶若大詢于衆庶之類政以正之教以道之
戒以飭其怠忽禁以使之勿為衆庶之在役有爭
訴則聽辭訟辨曲直也有功過則施賞罰示勸懲
也犯干王命其罪甚大故誅之大事謂師田事自
我作故所役無過家一人若戎寇
不虞并致羨卒否則不輕役也

乃經土地而井牧其田野九夫為井四井為邑四邑
為丘四丘為甸四甸為縣四縣為都以任地事而令

貢賦

此言造都鄙也經謂為之里數衍沃之地則為井
隰膏之地則為牧一夫受田百畝九夫受田九百畝
其形如井字然方里而井謂四方各一里邑則方
二里凡三十六夫受田三千六百畝丘方四里凡
十六井一百四十四夫受田萬四千四百畝甸方
八里凡六十四井五百七十六夫受田五萬七千
六百畝縣方十六里凡二千五百六十六井二千三百
四十八夫受田二十三萬四千八百畝都方三十六里凡
一千二百四十八井九千二百一十六夫受田九十二萬
一千六百畝地事謂九賦之事貢謂九貢賦謂九
賦○丘氏曰甸方八里旁加一里則方十里為一
成積百井其中六十四井為田其三十三井則山
川城郭縣方八十里加十里則方百里為一同積
萬井其中六千四百井為田而三千六百井為山

川城郭以四數之田之實數司馬灋以十數之兼山川城池而言也丘甸則用之于鄉遂及公邑縣都則用之采地鄉遂公邑非無縣都也亦有縣都之制而民受地者特一夫之田與夫宅田價田士田之類未至于縣都也采地之所受亦非無井邑丘甸也井邑丘甸見于縣都之中唯鄉大夫之所受者或入十里此所以必畫為縣都之制也但野外之田不無美惡肥磽之差豈必盡如指掌之平基盤之畫哉唯有井有牧比折而行乃是井田之活灋周禮一書皆通率而備言之楚為掩所謂畫士田度山林鳩數澤辨京陵表淳鹵數疆潦規偃豬町原防牧隰臯井衍沃即成周之遺灋也所謂井九百畝者非必皆平上之土地也因地形之所遇而為之計度可以知田井之說矣故井田之灋始于唐虞以至夏商稍稍其治而大備于成周

凡稅斂之事乃分地域而辨其守施其職而平其政

事雷鼓八面鼓也祀天神則鼓之畫鼓六面鼓也祭地祗則鼓之路鼓四面鼓也真人鬼則鼓之鼓大也鼗鼓長八尺以軍事為大故也鼙緩也鼙鼓長又二尺以役事勞民故節之欲其緩也晉進也晉鼓長六尺六寸金作而後奏故欲其進也此即上文所謂六鼓也尊厚于也形如鐘有舌樂作鼓倍而和之錡鉦也形如小鐘軍事鼓行而節之鏡小鉦如鈴無舌有秉執而鳴者鼓退而止鐸大鈴也鼓作而通之此即上文所謂四金也兵舞于威之舞較舞列五采綴柄而持之所以修容百物之神當舞之時則擊鼓以應其節也鼙鼓守鼓也軍警戒在夜故擊鼙鼓以警衆也軍動且行也亦擊鼓以進衆日月薄蝕則詔王者伐鼓以救之國有大喪始崩及窆時也則詔太僕擊鼓以警衆焉

舞師掌教兵舞帥而舞山川之祭祀教帔舞帥而舞社稷之祭祀教皇舞帥而舞旱暵之事凡野舞則皆

教之。凡小祭祀則不興舞。

舞師主教舞者兵舞于威也舞也祭名山犬川用之社稷土神穀神也羽舞所白羽為之四方望祀用之皇折五采羽為之三者皆文舞也禱雨之祭用之野舞野人之學舞者教之以備御遂州黨祭祀之舞也小祭祀不舞者無功德可形容也。何氏曰兵舞用于山川有得衛之義。帳舞用于社稷有後除之義。羽舞用于四方有翼蔽之義。皇舞用于早曠有陰陽相濟之義。

牧人掌牧六牲。而阜蕃其物。以共祭祀之牲。牲。凡陽祀用騂牲。毛之。陰祀用黝牲。毛之。望祀各以其方之色牲。毛之。凡時祀之牲。必用牲物。凡外祭毀事。用雉。可也。凡祭祀共其犧牲。以授充人繫之。凡牲不繫者共奉之。

牧人主牧牲以共祭祀者牲體之全也毛色之純也陽祀如廟陰祀土社也望祀岳瀆也騂者赤色之盛黝者黑色之微方色東青南赤西白北黑中黃也外祭表貉之屬毀事候禳之屬雉雜色也犧牲毛羽完具也祭前三月授之充人繫養之散牲繫于國門不繫者非時之祭也

牛人掌養國之公牛。以待國之政令。凡祭祀共其享牛。求牛。以授職人而芻之。凡賓客共其牢禮。積膳之牛。饗食賓射。共其膳羞之牛。軍事共其犒牛。喪事共其奠牛。凡會同軍旅行役。共其兵車之牛。與其牽。以載公任器。凡祭祀共其牛牲之互。與其盆。祭。遂。以

待事。

牛人掌養牛者公牛公家之牛也享牛祭祀獻神之牛求牛禱神求福之牛命牧人芻養之職讀爲機杙也所以繫牛者餉軍曰犒奠牛謂殷奠遣奠喪所薦饋曰奠兵車載什器饌饈也牽傍所以挽牛居前以牽在旁曰傍在猶用也互所以懸肉盆所以盛血祭所以受肉

充人掌繫祭祀之牲牲祀五帝則繫于牢芻之三月享先王亦加之凡散祭祀之牲繫于國門使養之展牲則告牲碩牲則贊

充人主繫養犧牲者充肥也祭祀犧牲繫而養之使肥脯也牢欄也所以繫牲草食曰芻飼養喻時則可充肥而後用之也祀五帝享先王皆大祭也其牲繫于牢則充人躬視養也散祭祀司中司

命山川之屬其牲繫于國門則使守門者養之也

展察視也隔日視牲充人則告其牲禮之完全也碩充實也碩牲則告其牲體之博碩也一云宗人告牲之博碩則贊之

載師掌任土之灋以物地事授地職而待其政令以廛里任國中之地以場圃任園地以宅田士田賈田任近郊之地以官田牛田賞田牧田任遠郊之地以公邑之田任甸地以家邑之田任稍地以小都之田任縣地以大都之田任疆姜地凡任地國宅無征園廛二十而一近郊十一遠郊二十而三甸稍縣都皆無過十二唯漆林之征二十而五凡宅不毛者有

任圃以樹事。貢草木。任工以飭材事。貢器物。任商以市事。貢貨賄。任牧以畜事。貢鳥獸。任嬪以女事。貢布帛。任衡以山事。貢其物。任虞以澤事。貢其物。凡無職者。出夫布。凡庶民不畜者。祭無牲。不耕者。祭無盛。不樹者。無椁。不蠶者。不帛。不積者。不哀。

二十五家為閭。師其長也。主徵六鄉貢賦之稅。國中及四郊。謂閭。屬至遠郊也。人民六畜之數。謂戶口。登耗。孽牲多寡之數。任其力。以任師田之役。人民兼六畜而言者。牛畜之類。亦可任其力也。政令貢賦之政令也。時。徵者。賦稅以時而取也。凡任民總言。任民之澶。任使也。使之各事其職。隨其地產而貢之。貢九穀。以二農生九熟也。貢草木。以園圃毓草木也。貢器物。百工飭化也。材也。貢貨賄。商賈阜通貨賄也。貢鳥獸。獸。數牧養蕃鳥獸也。貢布帛。婦化治絲枲也。貢其物。虞衡作山澤之材也。凡無事于職者。罰之。使出一夫之泉。不自養牲者。祭不得用牲。黍稷在器曰盛。不自耕田者。祭不得用盛。椁。外棺也。不自種木者。葬不得用棺。不自養蠶者。衣不得用帛。不自績麻者。喪不得衣衰。凡此皆以勉不耻也。

縣師掌邦國都鄙稍甸郊里之地域。而辨其夫家人民。玉萊之數。及其六畜車輦之稽。三年大比。則以考羣吏。而以詔廢置。若將有軍旅。會同田役之戒。則受灋于司馬。以作其衆庶。及馬牛車輦會其車人之卒伍。使皆備旗鼓兵器。以帥而至。凡造都邑。量其地。辨

古周禮 二卷 二十七 堂策

其物。而制其域。以歲時徵野之賦貢。

四百里為縣。自大鄉至邦國。縣居中焉。師其長也。邦國謂王侯。外接諸侯之封疆者。非國中地也。地城正其地之域限也。夫家謂男女人民。謂奴婢田萊。謂見田及荒不耕者。皆辨其數也。稽計也。三年犬比民數之時。則考校治民。羣吏之功。過有過者。廢而不用。有功者。置之下位也。若將有徵發之事。則縣師以其屬受司馬之戒。令車有車之卒。伍人有伍人之卒。伍會而聽之。旗以為指揮。鼓以為進退。戈矛受戟。以為擊刺。使之備其物。然後帥之而至也。量其地。家邑二十五里。大都百里。小都五十里也。辨其物。三等之地。所產不同也。制其域。封疆大小各異也。野謂縣稍都鄙。賦謂上之所取。貢謂下之所供。各以其時也。

遺位人掌邦之委積。以待施惠。鄉里之委積。以恤民

之難。阨門關之委積。以養老孤。郊里之委積。以待賓客。野鄙之委積。以待羈旅。縣都之委積。以待凶荒。凡賓客會同。師役掌其道路之委積。凡國野之道。十里。有廬。廬有飲食。三十里有宿。宿有路室。路室有委。五十里有市。市有候館。候館有積。凡委積之事。巡而比之。以時頒之。

遺人主委積。以待饋遺者。遺饋也。委積。國用之餘。必曰委。多曰積。自鄉里至縣都。其委積皆以待邦之施惠也。難阨。謂年穀不登。則賑恤之。老孤。謂死事之老孤。待賓客。給廩餼也。待羈旅。惠游寓也。待凶荒。謂移民就穀也。凡賓客會同。師役皆衆之所聚。道路皆有委積。以待之。凡國中野外之道路。至

半里憇息之所有小廬舍以設飲食三十里為一舍可以宿焉則有大室委比于積為少五十里則四方交易皆可日中而至故有市有候賓之館積比于委為多矣。巡而比之不使有餘歎也以時頒之以預備其所需也。

均人掌均地政。均地守。均地職。均人民牛馬車輦之力政。凡均力政以歲上下。豐年則公旬用三日焉。中年則公旬用二日焉。無年則公旬用一日焉。凶札則無力政。無財賦不收地守地職。不均地政三年大比。則大均。

均人主平力役之征者均平也。政讀為征。謂地守地職之稅也。地守虞衡之屬守其地者地職農圃之屬治其事者人民則治城郭溝渠牛馬車輦則轉輸委積之屬。凡此皆力役之征也。凡均力役之漢以歲事之豐歉定役數之多寡。公公事也。旬均也。古者用民之力歲不過三日也。中年不豐不殺則免一日。無年九穀不登又免一日。凶荒疾疫則免其力政。免其賦稅。免其地守地職之征。亦不平計地稅。蓋民困之極無從而均也。三年大比人民有登耗牛馬車輦有饒減故大均之。○按何氏謂旬十日也。古之役民皆于冬月。然視歲之上下以為役之等差。一年則一旬之中用民三日一月而九日三冬則二十七日矣。中年則一旬兩日一月而六日三冬則十八日矣。無年則一旬一日一月而三日三冬則九日矣。一口公旬者公家力役之旬也。如有十日之役則以年之上下。三日二日一日以為斷。何說。役似太重。詳之。

師氏掌以媿美詔王以三德教國子。一曰至德以為

賢游子弟
宿衛士官
者也使之
從師氏以
學焉則知
純君子善
而不致得
君子惡矣

道本。二曰敏德。以為行本。三曰孝德。以知逆惡。教三
行。一曰孝行。以親父母。二曰友行。以尊賢良。三曰順
行。以事師長。居虎門之左。司王朝。掌國中衆失之事。
以教國子弟。凡國之貴游子弟學焉。凡祭祀賓客會
同喪紀軍旅。王舉則從。聽治亦如之。使其屬帥四夷
之隸。各以其兵服。守王之門外。且蹕。朝在野外。則守
內列。

師氏教人以道之稱。敏詔謂告以善道也。國子謂
至道不凝。故以至德為道本。敏速也。君子欲敏于
行。故以敏德為行本。孝則無犯上作亂之事。故以
孝德。知逆惡。三行在心。為德施之。為行也。孝行以
事師。無隱無犯。故順行次之。虎門。天子路寢之門。
畫虎以明勇猛也。王日視朝于路寢門外。師氏居
其左。以伺察之中。中禮者。失失禮者。以教國之子
弟。使無違禮。國子弟謂貴而有職守。與在學者。貴
游子弟謂貴而無職守。不在學者。亦使之學于師
氏焉。王舉則從。王有舉動。師氏皆從而詔。城焉。蹕
止。行人不得近。王官也。朝在野。外行
官之朝。內列謂蕃營之在內者也。

保氏掌諫王惡。而養國子以道。乃教之六藝。一曰五
禮。二曰六樂。三曰五射。四曰五馭。五曰六書。六曰九
數。乃教之六儀。一曰祭祀之容。二曰賓客之容。三曰
朝廷之容。四曰喪紀之容。五曰軍旅之容。六曰車馬

之容。凡祭祀賓客會同喪紀軍旅。王舉則從。聽治亦如之。使其屬守王闈。

保者保安其身之義。師道之教訓正。所以保安君身也。惡者美之反。師氏詔其媿。故保民諫其惡。以道者以道養其心也。容即儀也。祭祀以敬賓客。以和朝廷。以肅喪紀。以哀軍旅。以嚴車馬。以謹何氏。曰祭祀之容。穆穆皇皇。賓客之容。儼恪矜莊。朝廷之容。濟濟蹌蹌。喪紀之容。纍纍顛顛。軍旅之容。暨暨。路路。車馬之容。匪匪翼翼。教以六藝。乃道之所寓。教以六容。乃道之所發。是所謂養之以道也。王舉則從。規其惡也。聽治如之。隨事納諫也。

柯氏曰。師氏掌以燉詔王。以三德教國子。保氏掌諫。王惡而養國子。以道皆居虎門之左。其制何如。王制曰。小學在公宮南之左。大學在郊。尚書大傳曰。王子八歲而出。就外舍。束髮而入。太學。公卿之世子。大夫元士之適子。十有三始入。小學。十八入

大學。蓋虎門者。天子路寢之門。師氏德行大學之教也。保氏藝儀。小學之教也。由是觀之。則公官之左。必有大小二學。可知矣。王子八歲入小學。十八入大學者。蓋國子與王子共學。必稍長乃知貴賤之禮。上下之分。且使王子有輔仁之益。故其期不同。如此。然則在郊之大學。王子不入乎。曰。周制大學在郊者。省朝會之勞。專學業也。天子曰辟雍。諸侯曰泮宮。辟雍四門。四橋。東曰東序。西曰瞽宗。南曰成均。北曰上庠。東序即東膠也。上庠即虞庠也。其師即大司樂也。鄉遂都鄙。賓與之俊士。天下侯國歲貢天子之造士。國子及倅諸子。教成材者皆學于此焉。但王子之學。則在公官之左。泚大學有時而與國子齒。此記所以有將軍我而與我齒讓者。欲其知父子君臣長幼之義也。夫周人之與王子。國子其教之也。詳其責之也。深其養之也。至王子之教。其適將以宗廟社稷屬之。為天神之主也。可不重其庶將以有國有家付之。為民神之主也。可不重

與國子之教以其席父兄之勢象宮闈之安不有師道之尊嚴則何以保自然之和禁未萌之欲又有以變化其氣質涵養其德性也哉此師保之灋所以為天下之大本

司諫掌糾萬民之德而勸之朋友正其行而彊之道藝巡問而觀察之以時書德行道藝辨其能而可任于國事者以考鄉里之治以詔廢置以行赦宥

司諫以道諫正人之行者德成于朋友糾其德而使之無謬戾勸之朋友則使之致力以相輔也行成乎道藝正其行而使之無奇袤疆之道藝則使之自彊而不息也巡問則詢之以言觀察則考之以事以時書之待賓興也辨其能之可任待敘用也考吏治明殿最也詔廢置仲賞罰也行赦宥與其自新也

司救掌萬民之表惡過失而誅讓之以禮防禁而救之凡民之有表惡者三讓而罰三罰而士加明刑耻諸嘉石役諸司空其有過失者三讓而罰三罰而歸于園土凡歲時有天患民病則以節巡國中及郊野而以王命施惠

司救以禮禁人之過者救猶禁也表惡在心過失在事誅讓責也禮以防民之偽以禮防禁所以救其惡也罰捶楚也三次以言責之不悛則加以罰士獄官也明刑謂去冠飾而書其表惡之狀于背也三罰而不悛則加以明刑嘉石在外朝之門左使坐焉以耻辱之役諸司空使士官勞役之也歸于園土不忍遽刑之但繫之獄城也天患民病天降災害而民有疾病也節旌節也巡行也王命施

惠恩當自上出也。惠如賙以衣食濟以醫藥之類。○訓雋云：衰惡在心，故為不善者也。其罪重過失，在事誤，隔于惡者，其罪輕。以禮防禁，不遽加刑。民有衰惡，姑切責之，責之至三而不改，姑又撻之。撻之至三而不改，然後加以明刑。去其冠飾而書其罪狀，以示諸人。又使之坐于嘉石，以耻辱之。役諸司空，以困苦之。過失輕于衰惡，故三讓三罰。以啓其遷善改過之心，不加明刑，不坐不役，惟夜則收之園土而已。

調人掌司萬民之難而諧和之。凡過而殺傷人者，以民成之。鳥獸亦如之。凡和難，父之讐，辟諸海外。兄弟之讐，辟諸千里之外。從父兄弟之讐，不同國。君之讐，眡父。師長之讐，眡兄弟。主友之讐，眡從父兄弟。非

則與之瑞節，而以執之。凡殺人有反殺者，使邦國交讐之。凡殺人而義者，不同國。令勿讐之。讐之則死。凡有鬪怒者，成之不可成者，則書之。先動者誅之。

調人主和仇讐之官，調和也。和解仇讐，使順情法也。難謂相為仇讐也。相比之謂諧，相濟之謂和。以禮與法而諧和之也。過無意也，成平也。以鄉民共和解之，過失殺傷人之畜產者，亦然。凡和難，總言和難之灋。大抵人有父兄君長之讐，不可同處。為讐人者，當避復讐之人。父之讐，人子所必報。故使之避諸海外。兄弟之讐，為兄弟者所必報。故使之避諸千里之外。從父兄弟，謂同祖兄弟。較親兄弟，不同矣。故但使之不同其國。君讐視父，亦避居海外也。師長謂見受業者。與兄弟同，亦避諸千里之外。主大夫君也。朋友也，亦不同國。非避讐人，不肯避復讐者。瑞節，玉節，刻圭也。不從王命，故王以

故女之嫁以二十為限。過此則失時也。判妻娶人所出之妻再嫁者也。入于買人所鬻之子。媵妾不聘者也。中春陰陽交會之月。會男女順天時以成婚姻也。奔私奔也。若猶及也。于是時而男女相奔。父母不禁。與無凶。荒喪禍之變。而不用婚姻之令。者而媒氏皆罰之。司猶察也。女無夫。男無家。而寡不能自存者。又不待仲春。然後會也。嫁子以女。家言娶妻。以夫家言男女。非受幣不交。不親故入幣。其帛用純色。以五兩為一束。兩匹也。倍丈謂之端。倍端謂之兩。遷葬謂以死而求婦嫁。塲謂以死而求夫。是皆瀆禮亂倫。故禁之。陰訟謂淫奔之訟也。勝國亡國也。其社掩其上。而棧其下。使無所通。陰訟乃中冓之言。鄙褻之事。不可聽之。于官府故就亡國之社。而聽其辭也。附麗也。麗于刑者。歸之士師。一說判妻入于謂再嫁。而携其子入丈夫之家者。

司市掌市之治。教政刑。量度禁。以次敘分地而

市。以陳肆辨物而平市。以政令禁物靡而均市。以商

賈阜貨而行布。以量度成賈。而微債。以質劑結

信而止訟。以賈古民禁偽而除詐。以刑罰禁讒而去

盜。以泉府同貨而歛賒。大市日廼易而市。百族為主。

朝市。朝時而市。商賈為主。夕市。夕時而市。販泛夫販

婦為主。凡市入。則胥執鞭度守門。市之羣吏。平肆展

成奠。定賈。價上旌于思次。以令市。市師涖焉。而聽大

治大訟。胥師賈師。涖于介次。而聽小治小訟。凡萬民

之期于治者。辟闕布者量度者。刑戮者。各於其地之

敘。凡得貨賄六畜者亦如之。三日而舉之。凡治市之
貨賄六畜珍異。亡者使有利者使阜。害者使亡。靡者
使微。凡通貨賄以璽節出入之。國凶荒札喪則市無
征而作布。凡市偽飾之禁。在民者十有二。在商者十
有二。在賈者十有二。在工者十有二。市刑小刑憲罰。
中刑徇罰。大刑扑罰。其附于刑者歸于市。國君過市
則刑人赦。夫人過市罰一幕。世子過市罰一帑。命夫
過市罰一蓋。命婦過市罰一帷。凡會同師役。市司帥
賈師而從。治其市。故掌其賣價之事。

市師市官之長。主交易之事。治以理之。教以化
之。政以正之。則以制之。量以量多寡。度以度長短。
止使勿為。則有禁令。使為之。則有令。次序分地。市
官各以所居之次為敘。分其地而掌之。以立一市
之大經也。陳肆辨物。陳物于市肆而辨其物。使各
以類相從。則皆平而有辨也。政令禁物。靡禁物。貨
之侈靡。則民不貴異物。賤用物而市物均也。商賈
阜貨以商通物。以賈賣物。則貨阜盛而泉布得行
也。徵召也。債鬻也。物之多寡。長短以度量。平定其
價。則鬻者來也。質劑券書也。民有違約失信而與
訟者。則以券書結信而止其訟也。賈民備販之民
能知物之偽。民之詐。故使之禁偽而除詐也。以刑
罰禁暴亂之民。又去其相竊盜者。以泉府所藏與
民同之。市不售者。官為斂之。民無貨者。貸而予之。
交易衆多。謂之大市。日昃日過中。也。族姓也。大市
人多。故百姓為主。朝市朝時之市。朝時日出時也。
商賈家于市。朝時在焉。故商賈為主。夕市夕時之
市。夕時日入時也。細民之販。以日之餘力。故販夫

有禁

販婦為主凡三時之市百貨所入鞭度者無刃之
及繫鞫于上則為鞭刻其尺寸則為度爭門者執
鞭以威之爭長短者執度以齊之故胥執此以守
市門也羣吏謂胥師以下者平肆者正其肆之分
界也展成者省其貨之成否也奠賈者定其價之
高下也然後揭柝羽之旌于思次以為衆望使知
三市時也思次市中候樓也市師泣事于此而聽
治訟之大者介次市亭之屬也胥師賈師泣事于
此而聽治訟之小者期于市有要約于市者辟布
考法而用泉也量度以粟布而求齊也刑戮犯令
而戮于市也以此三事來者各于所分之地凡得
遺物者亦使各置其地貨于貨之肆畜于畜之肆
令人求之易也三日而無識認者則舉而沒于官
百貨有用物有異物有用之物無者使之有利益
者使之阜盛蓋貴其價以來之示民不賤用物也
無用之物害材者使之無侈靡者使之少蓋賤其
價以抑之示民不貴異物也通達也金玉曰貨布
帛曰賄壅節印章也貨賄自內出者由市而達之

命服三命
車四室廟
之器五戎
器六用器
七兵車八
綏色九飾
文十珠十
一玉十二

門及關自外入者由關而通之門及市也凶荒札
喪則民困故蠲其征稅作布者鑄作泉布以蘇民
困也偽飾如器不中度布帛精粗不中數也十有
二禁謂器用一兵車二布三帛四綏色五穀六果
實七木八禽九獸十魚十一蠶十二此等苟有偽
飾則民不得畜商不得貿賈不得鬻工不得作也
市刑市之刑罰也刑之小者則書其罰而憲于衆
刑之中者執其人聲其罪巡視而徇衆刑之大者
則撻而辱之其罪麗于五刑則歸之士官而治其
罪焉市者貨利所在君子不入焉恐奇靡淫侈之
物蕩其心而變其守也國君諸侯也國君過市則
赦市之刑人以愧之蓋謂國君好利市人何誅焉
至于夫人世子命夫命婦之過市必罰其幕幣蓋
惟所以責其無以自蔽而見淫侈之物也過市親
適市中欲有所貿易也會同師役大衆所在必有
市焉故司市帥賈師往從之治其禁令而掌其貿
易之事也

質人掌成市之貨賄人民牛馬兵器珍異凡賣債者質劑焉。大市以質小市以劑。掌稽市之書契同其度量壹其淳準制巡而攷之犯禁者舉而罰之。凡治質劑者國中一旬郊二旬野三旬都三月邦國朞期內聽期外不聽。

質人主平物價者質平也成謂平其價也凡以物賣鬻者則為之立券書長曰質短曰劑也大市人民牛馬之屬則用長券小市兵器珍異之屬則用短券稽攷也書契交易之契也同其度量欲其短長淺深之不異也壹其淳制欲其為幅為匹之合度也遂巡行于市而攷校之犯禁謂度量不同享制不一者則沒入其貨而併罰其人也治質劑謂以券書來訟者王國之中以十日為限郊以二十日為限野以三十日為限大都小都則以三月為限諸侯之國以一年為限期限也在限內來者則治其訟期外不聽所以節詞訟省文書也

廛人掌斂市欵次布總布質布罰布廛布而入于泉府。凡屠者斂其皮角筋骨入于玉府。凡珍異之有滯也者斂而入于膳府。

廛人主斂市布者廛市中空地也布泉也欵布列肆之稅也總布無肆立地者之稅也質布質人所罰犯禁之泉也罰布所罰賣買不平者之泉也廛布貨賄諸物邸舍之稅也五布之斂皆入于泉府將以斂市之滯貨也廛人本斂廛布而兼斂五布者欲使知取其物之稅者不得取其地之稅也凡屠殺六畜者斂其皮角筋骨入于玉府將以飾器用且以當地稅也凡四時食物之珍異有滯于市

而不售者官為買之入膳
羞之府以為貴者之差也

胥師各掌其次之政令而平其貨賄憲刑禁焉察其
詐偽飾行債憑者而誅罰之聽其小治小訟而斷之

胥師市中羣胥之長次治事之所也市有政令胥
師于次行之平者物價不得擅為高下也表懸刑
禁以示之使不違也惡惡也挾詐以飾行作偽以
鬻憑者皆責而誅之小治小訟則聽大治大訟則

歸于
司市

賈古師各掌其次之貨賄之治辨其物而均平之展
其成而奠其賈價然後令市凡天患禁貴債者使有

恒賈四時之珍異亦如之凡國之賣債各帥其屬而
嗣掌其月凡師役會同亦如之

賈師知物價者師其長也貨賄之次則掌其事次
者賈師所泣二十肆之次也辨其物辨其美惡使
各從其類則市物均平也展其成謂視其物之成
而可賣奠其賈則使之有常如此則可以令于商
也凡凶荒札喪之時不得輒增其直使有一定之
價恐其乘民之急而侵利也四時之珍異如之恐
其因民之好而侵利也嗣掌
其月更代直月以均勞逸也

司**疏**掌憲市之禁令禁其闕蹠者與民**疏**亂者出入
相陵犯者以屬遊飲食于市者若不可禁則搏搏而

戮之

司**疏**主禁暴亂者市有禁令則表懸之闕力爭也
蹠口競也**疏**虐物也亂悖理也陵犯私惡相侵遊

古周禮

二卷

三十九

堂策監

飲食私好相結凡此皆禁之其有不從禁者則搏執而戮之

司稽掌巡視而察其犯禁者與其不物者而搏之掌

執市之盜賊以徇且刑之

司稽主稽察于市者巡行也犯禁謂犯市儂禁令不物謂奇言異服怪民也竊取謂盜因而害人為賊執之以徇于眾然後刑之也

胥各掌其所治之政執鞭度而巡其前掌其坐作出入之禁令襲其不正者凡有罪者撻戮而罰之

胥有才智之稱市中有胥謂隸于胥師給徭役者各土所令一市之地鞭度以丈為鞭而量物也巡行也作起也坐作出入不正必奇衰之人也則掩襲而捕之凡市之麗于罪者撻楚戮辱之且罰使

出也

肆長各掌其肆之政令陳其貨賄名相近者相遠也

賈相近者相爾也而平正之斂其總布掌其戒禁

肆長亦市中給徭役者每肆則一人肆賈人藏貨之邸也各掌其所治一肆之政令陳列所賣之貨賄相近者相遠如布帛之名同而制之精粗則異相近者相邇如馬牛之實異而物之肥瘠則同也平者平其價之實正者正其物之名其詐欺爭鬪之類施于一肆者則戒禁之○司市質人屨人三官乃命官胥師以下則給役也自胥師以及司稽皆司市所自辟除肆長為賈而坐肆者也胥固肆長為之蓋巨賈之有才者使統率之猶比閭黨之灋非命官也鄉制則萬二千五百家而止市制則二十肆而止遠邦之內有賈田司市與其屬之祿也胥師以下無秩則無祿矣蓋先王之立市也不

使雜于閭里懼其亂教也不使士農為之以商賈
之人持心近薄恐其亂俗也設于朝之後國之陰
而主之以后祭以陰禮其先義後利之制可見矣
故令國君夫人世子命夫命婦皆不得過市過則
有罰先王之遠利何如哉昔者晉之富商韋籛木
龔以過于朝而曰雖有澤車華服不敢與士君子
齒則周公之遺化猶存什一于千百也後世立市
無灑士農雜而為之是以人皆驚于利士君子而
有商賈之行聖人以道治
天下之意無復存矣

泉府掌以市之征布歛市之不售貨之滯于民用者
以其賈價買之物揭而書之以待不時而買者買者
各從其抵都鄙從其主國人郊人從其有司然後予
之凡賒者祭祀無過旬日喪紀無過三月凡民之貸
者與其有司辨而授之以國服為之息凡國之財用

取具焉歲終則會其出入而納其餘

泉府曰國服謂生民
乎國所服之業如農
圃之類也
息者保之
使生息也
蓋因其服
之業以資
其生注之
許焉

泉府主泉布之府泉即錢也謂之泉者言其流通
如泉也征布即屨人所歛之五布也布有貨滯而
不售者則以征布買而收之布即泉也其藏曰泉
其行曰布以其賈買之使民不喪其本也逐物表
揭而書其價以待之乏用不時而來買者各從其
抵價而後與之欲彼此相信也凡民喪祭之事無
所乞貸官給其物以應之立期取償而無息也貸
借用也有司謂其所屬之官凡貧民有貨物于官
者與其有司別其所貸之物定其價而與之還本
之後使服役于國中各有日數以為息所謂以國
服為息也蓋不責其所無然亦非彊之也則既不
病民亦不病國矣有司為國事典作用財者取具
于泉府每歲之終則會計泉府所出與屨人所入
者若有羨餘之財則納諸職幣所謂幣餘之賦也

古周禮

二卷

四七

○何氏曰國服為息先儒多以為貨錢取利王介甫因其說遂立青苗之凜天下騷然胡致堂父子以其病民也遂力詆周禮非周公之書噫以釋經一言之誤而貽天下之大患廢聖人之全經其失也均

司門掌授管鍵以啓閉國門幾出入不物者正其貨賄凡財物犯禁者舉之以其財養死政之老與其孤祭祀之牛牲繫焉監門養之凡歲時之門受其餘凡四方之賓造焉則以告

司門主王城之門所以防姦宄通賓客者也管鑰鍵也授管以閉門授鍵以啓門譏察其出入之不物者謂奇言異服也正其貨賄謂不中度不中數之類幾之正之而猶犯禁則舉其財物而入之于官死政之老謂死國事者之父孀孤其子也以犯禁之財養之受其餘祭門則受其胙也四方賓客送國門而朝聘者則告于王以禮迎之

司關掌國貨之節以聯門市司貨賄之出入者掌其治禁與其征屢凡貨不出于關者舉其貨罰其人凡所達貨賄者則以節傳轉出之國凶札則無門關之征猶幾凡四方之賓客叩關則為之告有外內之送令則以節傳出內納之

司關主境上之門所以達貨賄通賓客者也節通貨賄之璽節也聯門市者自外入者通之門與市自內出者通之門與關也凡貨賄之出入于關者俱主之治者治其關爭禁者禁其欺詐征者征其

出入之貨。屢者賦其市地之屢。凡出私道而避征稅者。沒入其貨。而撻罰其人。凡不犯禁當達之者。則節以驗其物。傳以書其數。乃聽其出焉。國凶。札蠲稅而不廢。幾防姦也。敏至也。擊也。告于王。以禮送也。送令奉命以送迎賓客。則以節傳送。其往來也。傳文書也。

掌節。掌守邦節。而辨其用。以輔王命。守邦國者。用玉節。守都鄙者。用角節。凡邦國之使節。山國用虎節。土國用人節。澤國用龍節。皆金也。以英。籒。輔之。門關用符節。貨賄用璽節。道路用旌節。皆有期。以反節。凡通達于天下者。必有節。以傳輔之。無節者。有幾。則不達。

掌節。主符節者。節行者。所執之信也。邦節。謂玉節。以下之。八節也。辨其用。或用。以守。或用。以使。執節。為信。所以佐王命也。玉節。以玉為之。君子比德于玉。守邦國為諸侯者。其德宜如是。角節。以犀角為之。取其銳而觸姦。守都鄙為采邑長者。其材宜如是也。凡諸侯使卿大夫聘于王朝。鄰國所執之節。山多虎。故鑄虎于節。平地多人。故鑄人于節。澤多龍。故鑄龍于節。三者皆以金為之。而鑄其象。英節也。籒竹也。以竹為函。加以畫飾。而盛其節也。符節者。剖竹為符。以合之也。璽節。既為符。又加璽印于其上。也。旌節。析羽為旌。以彰其節也。有期。立為限期。反節。事畢。則納其節也。凡以王命往來。必有節。以為信。又有文書。以輔之。節以輔王命。傳以輔邦節也。若無節者。門關譏察之處。則執之不使行也。

遂人。掌邦之野。以土地之圖。經田野。造縣鄙形體之灋。五家為鄰。五鄰為里。四里為鄣。五鄣為鄙。五鄙

爲縣。五縣爲遂。皆有地域。溝樹之。使各掌其政令。刑禁。以歲時稽其人民。而授之田野。簡其兵器。教之稼穡。凡治野。以下劑。資致。昨。萌。以田野安昨。以樂昏擾。昨。以土宜教昨。稼穡。以與勸利昨。以時噐勸昨。以疆予任昨。以上均平政。辨其野之土。上地。中地。下地。以頒田里。上地。夫一廛。田百畝。萊百畝。畝。萊五十畝。餘夫亦如之。中地。夫一廛。田百畝。萊二百畝。餘夫亦如之。下地。夫一廛。田百畝。萊二百畝。餘夫亦如之。凡治野。夫間有遂。遂上有徑。十夫有溝。溝上有畛。百夫有洫。洫上有涂。千夫有澮。澮上有道。萬夫有川。川上有路。以達于畿。以歲時登其夫家之衆寡。及其六畜車輦。辨其老幼廢疾。與其施舍者。以頒職作事。以令貢賦。以令師田。以起政役。若起野役。則令各帥其所治之民而至。以遂之大旗致之。其不用命者誅之。凡國祭祀。共野牲。令野職。凡賓客。令野修道而委積。大喪。帥六遂之役而致之。掌其政令。及葬。帥而屬六綽。弗。及窆。陳役。凡事致野役。而師田作野民。帥而至。掌其政治。禁令。

遂人。主六遂者。野在百里之外。二百里之內。經。經界也。以地圖。經畫其野也。其縣鄙地域有形。其井。

邑溝涂有體其制而成之則有澶鄰則相聯比猶
六鄉之比也里則同井里猶六鄉之閭也鄧有相
贊助之意猶六鄉之族也鄙如邊鄙同患守禦之
意猶六鄉之黨也縣則首于遂猶六鄉之州也遂
則遂于外也百里內為六鄉外為六遂地有廣狹
域有遠近溝以通水為限樹以植木為固政令刑
禁使在遂之吏各謹其所治也稽其人民以歲之
四時計其所轄也授之田野一家受田百畝也簡
兵器以禦害也教稼穡以興利也凡治野總言治
野之法也劑要書也毗田民也下田可任者家二
人下劑致民謂皆以下地為率一為正卒一為羨
卒其外為餘夫也出畔同田入居同里則民安也
覆順也合婚姻以樂之願民欲也土宜辨十二土
之宜也耨耕之器也興起其民以相佐助是與民為利
也器耕耨之器也以時用之則相勸勉也民治一
夫之田而有餘力則更與之田故有力之民可任
用也平政平其力役之征也辨其土以土色分上
中下分地為三等頒田里以分之十民也夫一里

古周禮

二卷

注

古周禮

二卷

注

遂師各掌其遂之政令。戒禁以時。登其夫家之衆寡。六畜車輦。辨其施舍。與其可任者。經牧其田野。辨其可食者。周知其數而任之。以徵財。征作役事則聽其治訟。巡其稼穡。而移用其民以救其時事。凡國祭祀。審其警戒。共其野牲。入野職野。賦于玉府。賓客則巡其道修。尤皮其委積。大喪使率其屬以幄帟。先道野役。及窆抱磨歷。共其丘籠。及屨車之役。軍旅田獵。平野民。掌其禁令。比敘其事而賞罰。

遂師猶六鄉之鄉師。四人曰王。六遂也。登者登其籍于遂人也。徑牧謂經畫其田而井牧其地也。辨其可食。上地食者三之二。中地半。下地三之一也。財征歛其財。役事用其力也。巡行也。播獲之時。行視郊野。如水旱暴至。非一遂之民所能隄防。故以此遂之民移用于彼遂。以相救也。野職。野賦。凡職九賦所得。入于玉曆。以供王之玩好也。疋具也。幄帟。先為葬窆之間。先張神座也。道野。役帥以至墓也。役即執縛者。天子千人。分布故六綽之上。謂之適。歷者。分布稀疏。疏得所名。為適。歷也。遂人及窆陳役。執綽之人。背碑負引。而退行。遂師抱持版之名。字。巡行而校錄之。以知在否。故云抱磨也。丘籠。盛土之器。屨。車載屨之車。平野。民役之輕重。必使均平也。

遂大夫各掌其遂之政令。以歲時稽其夫家之衆寡。六畜田野。辨其可任者。與其可施舍者。以教稼穡。以稽功事。掌其政令。戒禁。聽其治訟。令為邑者。歲終則

會衆致事。正歲簡稼器。修稼政。三歲大比。則帥其吏而與。眡明其有功者。屬其地。治者。凡爲邑者。以四達戒其功事。而誅賞廢興之。

遠大夫猶六鄉之有鄉大夫也。功事九職之事。民所以爲功業也。爲邑者一遂之所屬羣吏也。稼器未熟。歲鑄之類。稼政疆畝溝洫之類。四達謂治民之事。其大者有四。汰家衆寡也。大畜車輦也。稼穡耕播也。鼓兵革也。

縣正各掌其縣之政令。徵比以頒田里。以分職事。掌其治訟。趨促其稼事。而賞罰之。若將用野民。師田行役。移執事。則帥而至。必以其政令。既役。則稽功會事。而誅賞。

縣正六遂之縣正其長也。徵發其財。征比校其多寡。趨催促也。移執事。移用其民以執事也。役事既畢。乃稽考其功之多少。會計其事之能否。而賞罰之。

鄙師各掌其鄙之政令。祭祀。凡作民。則掌其戒令。以時教其衆寡。而察其媿惡。而誅賞。歲終則會其鄙之政而致事。

鄙師師亦長也。政令以治人。祭祀以事神。數計也。稽登比校。鄙師無與焉。特數之而已。要爲政詳爲會計之。

鄼長各掌其鄼之政令。以時教登其夫家。比其衆寡。

以治其喪紀祭祀之事若作其民而用之則以旗鼓
兵革帥而至若歲時簡器與有司數之凡歲時之戒
令皆聽之趨促其耕耨稽其女功

四里為鄩有長以治之校登按其數而登之于遂
大夫也旗以屬民鼓以作衆兵革以供武備有司
遂大夫也簡之則器無不精數之則器無
不備趨耕耨勸農事也稽女工勸蠶事也

里宰掌比其邑之衆寡與其六畜兵器治其政令以
歲時合耦于鋤以治稼穡趨其耕耨行其秩敘以待
有司之政令而征歛其財賦

宰主也制也邑猶里也比其衆寡則戶口之登耗
可知比其六畜則物產之盛衰可知比其兵器則
金革之備乏可知有欲用之按籍而得矣耦並耕
也耦助也歲之四時合耦以相佐助也秩事有常
變也敘事有次第也財賦之事非里宰所得專故必待有司之政令而後徵歛焉

鄰長掌相糾相受凡邑中之政相贊徙於他邑則從
而授之

五家為鄰長以率之也王家有過則相糾察宅舍
有故又相容受里宰有政則帥五家之民以助之

旅師掌聚野之勑粟屋粟間粟而用之以質致

民平頒其興積施其惠散其利而均其政令凡用粟
春頒而秋歛之凡新吐之治皆聽之使無征役以地
之蠹惡為之等

旅師主斂縣師所斂野之賦稅者勸粟合耦而不
至則罰之出粟屋粟有田而不耕所罰三夫之粟
間粟民無職事所出二夫之征粟此三粟者斂而
聚之以待賙乏也而饋為知如用之謂恤民之難
厄也質劑給多者以質給少者以劑也平頒其與
積平其所與廢頒其所積聚也施其惠施不責償
也散其利散非一端也均其政令遠近勞逸皆使
均平也春頒與作時因其不足而頒之秋斂收成
時因其有餘而斂之也新阡新徙來者奠其居止
貸其糧食之類所謂聽之也無征以寬其財無役
以寬其力七口以上授以上地六口授以中
地五口授以下地所謂以燬惡為差等也

稍人掌令丘乘之政令若有會同師田行役之事則
以縣師之灋作其同徒輦輦帥而以至治其政令以
聽於司馬大喪帥蜃車與其役以至掌其政令以聽

於司徒

稍人主為縣師治都鄙丘甸之政令者四邑為丘
共出革車一乘稍人則掌其政令焉丘之政令出
于司徒乘之政令出于司馬稍人各因所事而聽
之也同徒謂丘地之徒衆輦輦謂丘地之車輦稍
人受灋于縣師而作起之兵之政令臨時制變故
聽于司馬者曰治民之政令宣布有常故聽于司
徒者曰掌

委人掌斂野之賦斂薪芻凡蔬材木材凡畜聚之物
以稍聚待賓客以甸聚待羈旅凡其余聚以待頒賜
以式灋共祭祀之薪蒸木材賓客共其芻薪喪紀共
其薪蒸木材軍旅共其委積芻薪凡蔬材共野委兵

邑為五
地官
出車一乘
以賦者也

器與其野園材用凡軍旅之賓客館焉。

委人主斂旬稍芻薪之賦以共委積者薪以烹鼎芻以養牲疏材疏之可食者木材木之可用者與凡畜聚之物皆斂之稍聚稍地之畜聚也旬聚旬地之畜聚也薪芻以共炊燎木材以共張事疏材助禾黍以飼馬牛野委路室之委野園在郊之園兵器以助其守備之備財用以給其行道之需軍旅之賓客謂以師行賓客領軍歷其地故館于野非修好之賓客也

士均掌平土地之政以均地守以均地事以均地貢。

以和邦國都鄙之政令刑禁與其施舍禮俗喪紀祭

祀皆以地媿惡為輕重之灋而行之掌其禁令。

土均主均平土地之政令者地守山澤虞衡之屬地事三農園圃之屬地貢卽九職之所貢邦國在畿外都鄙在畿內政令之緩急刑禁之寬猛施舍之可否禮俗之因革喪紀之豐約祭祀之隆殺皆使之調和也

草人掌土化之灋以物地相其宜而為之種凡糞種

駢剛用牛赤緹低用羊墳壤用麋竭澤用鹿鹹渴

昔用貍九勃壤用狐墟穡用豕疆槩用蕢輕糞

剛用犬。

草人主殺草以種芻者牛狗豕也糞穢為肥變惡為美也物之在地各有所宜草人相視之而糞其種也上有赤駢而性剛者赤緹而縹色者墳起而柔順無塊者有舊為澤而今則渴者有水已去而渴鹵者有勃壤而於解者有粘而疏者有堅疆而不和柔者有輕脆而不厚重者樂堅土也蕢麻也

古周禮

二卷

五十

原澤
與穀
與

地之政
即所謂地
也事地
有也均之
則而下微
惠於各
得其平矣

異輕脆也。何氏曰：天下之土不同，化之之澆，或用麋鹿，或用豕，或用人骨，皆焚其骨為灰，以漬種。黃則燒麻為灰，以漬種也。

稻人掌稼下地，以瀦畜水，以防止水，以溝蕩水，以遂均水，以列舍水，以澮澇水，以涉揚其芟，使作田。凡稼澤，夏以水殄草而芟夷之，澤草所生，種之芒種。旱暵，共其雩歛，喪紀共為葦事。

稻人主水利者，稼種穀也。下地水澤之地也。瀦，積也。積水陂塘以備旱也。防隄也。為之溝引，所瀦水播蕩，諸遂也。遂者均布溝水，俾盈于列也。列者畦，其町畦必使坦平，則水可止舍也。列有餘水，浸于溝，以備水潦也。涉履播揚其所芟之腐草，則可以治其田而種稻。變瘠為肥也。稼澤種穀于澤地也。盛夏水熱，以水浸草，可以殄絕而芟滅之。使不生也。草既芟夷，則稻之有芒刺者，可種矣。雩禱雨也。共雩祭之所歛也。葦事所以填壙而禦濕也。

土訓掌道地圖，以詔地事，道地慝，以辨地物，而原其生，以詔地求。王巡守則夾王車。

土訓主訓說四方上地之官道說也。地圖山川形勢之圖，地事農圃澤藪之事，慝惡也。如磽确之地，不宜稼穡，斥鹵之地，不宜果蓏也。辨地物者，辨其所生之物，如嶺南之鍾乳，湖鹵之丹砂也。原其生物，生各有其地，欲求其物，必于其地也。夾王車，在車左右，詔王以四方土地之利害也。

誦訓掌道方志，以詔觀事，掌道方慝，以詔避忌，以知地俗。王巡守則夾王車。

屬下蓋脫禁字

屬禁所以

禁民非時

之採伐也

誦訓主誦說四方之事者方志載一方之山川物產王巡狩則道之使王者有所觀覽而知其始末也方憲謂一方之烟瘴瘴氣王巡狩則道之使王有所避忌且知土俗之美惡也

山虞掌山林之政令物為之屬而為之守禁仲冬斬陽木仲夏斬陰木凡服耜斬季木以時入之令萬民時斬材有期日凡邦工入山林而掄材不禁春秋之斬木不入禁凡竊木者有刑罰若祭山林則為主而修除之且蹕若大田獵則萊山田之野及弊田植虞旗于中致禽而珥貳馬

山虞主度山林者虞度也度知山之大小及所生也山有虞林有衡此兼言掌山林之政令者林衡亦受法于山虞也屬避列也物為之屬每物有藩界也別其地以限之然後命其人以守之設其法以禁之陽木生山南斬以仲冬日欲其濡也陰木生山北斬以仲夏日欲其堅也服車材耜農器季揮也服與耜用季材取其柔也斬木以時必限以日數恐過取而童其山也邦工國之梓人也掄擇也不禁者山林國之所有不拘日也非冬夏之時不得入所禁之山斬木若犯禁而竊木則刑罰隨焉為主辨護其祭事也脩除治其壇場也萊除其草萊也田既止則立虞人之旗令獲者皆致禽于旗下珥取禽耳以計獲之多少也

林衡掌巡林麓之禁令而平其守以時計林麓而賞罰之若斬木材則受灋于山虞而掌其政令

林衡主平林麓者衡平也平林麓之大小及物之所生也平其守者平其藩界之守計林麓者計其

守護之功若林麓蕃茂民無盜竊則有賞竹木禿
闕盜竊肆行則有罰灋謂山虞所掌如萬民斬物
以時邦工掄材不禁之類若斬木材而用
則受山虞之灋而掌其斬木之教令也

川衡掌巡川澤之禁令而平其守以時舍其守犯禁
者執而誅罰之祭祀賓客共川奠

川衡主平川澤者流水曰川渚水曰澤禁令如澤
不伐天魚禁鯤鰭之類巡其所守而平之又以時
按視守者之舍而申戒之川奠
謂籩豆之實魚鱗蜃蛤之屬

澤虞掌國澤之政令為之厲禁使其地之人守其財
物以時入之于王府頒其餘于萬民凡祭祀賓客共
澤物之奠喪紀共其葦蒲之事若大田獵則萊澤野

及弊田植虞旗以屬禽

澤虞主度澤數者國澤如楊之具區荆之雲夢豫
之圃田青之望諸宛之大野雍之弦蒲幽之奚養
異之泰陸弁之昭餘祁皆國之大澤財用所出有
厲禁而不以封者也以時取之入于王府如珠角
齒貝以當邦賦也頒賜其餘于民不私其利也澤
物之奠芹菲菱茨以實籩豆也山虞之旗畫以熊
虎澤虞之旗
綴以析羽

迹人掌邦田之地政為之厲禁而守之凡田獵者受
令焉禁麋麋卵者與其毒矢射者

迹人主迹禽獸之人以從迹而獵取者邦田之地
田獵之處也示以政令使之蕃息守以厲禁不令
輕往先王之過與民同之然必為厲禁者恐取之
非時用之過度以傷天地之仁也禁麋卵所謂獸

舍麋麋鳥翼擊卵也毒矢射物則物必死聖人之心所不忍也

廿 礦人掌金玉錫石之地而為之厲禁以守之若以時取之則物其地圖而授之巡其禁令

廿人主礦璞者金玉函于石謂之卅石砥硃琅玕之屬金玉錫石所產各有其地也利之所在姦人竊取故設厲禁以守護之若王朝有時而取用則物色其所產之地使按圖而取之既設禁令又從而巡之防竊取以致患也

角人掌以時徵齒角凡骨物于山澤之農以當邦賦之政令以量度受之以共邦用

角人主徵齒角骨物者角之齒兕犀之間駝馬諸獸之骨皆可以制器用凡此數物不出于山則出于澤故以時徵于山澤之農蓋平地之農以稼穡為事而供什一之賦山澤之農以射獵為生亦各輸其所有以當什一之租也以量度受之然後知其輕重長短以共國家之用也

羽人掌以時徵羽翮核之政征于山澤之農以當邦賦之政令凡受羽十羽為審百羽為搏十搏為縛

羽人主征羽翮者翮羽本也山澤之農禽鳥所萃其羽翮可以為旌旄弓箭之用故時征之小束為審十審為搏十羽為縛

掌葛掌以時徵絺綌之材于山農凡葛征徵草貢之材於澤農以當邦賦之政令以權度受之

掌葛主徵葛草者凡葛征不止為絺綌用者草貢亦屬也

掌染草。掌以春秋歛染草之物。以權量受之。以待時而頒之。

掌染草主歛染草者。草之可染者。藍以染青。菭以染赤。阜斗以染黑。是也。以時頒之。頒于染人也。

掌炭。掌灰物炭物之徵令。以時入之。以權量受之。以共邦之用。凡炭灰之事。

掌炭主炭灰之事者。灰以給澣練炭。以供薰織。皆國用之不可缺者。山澤之農所出也。

掌荼。掌以時聚荼。以其喪事。徵野疏材之物。以待邦事。凡蓄聚之物。

掌荼主聚荼者。禮曰。茵著用荼。蓋縫淺黑之布。以貯荼于中。樞下曠時。以茵藉之。縮二橫三。以其為

乾軟之物。可禦濕也。野疏材。謂蒿艾之類。

掌蜃。掌歛互物蜃物。以共圍墻之蜃。祭祀共蜃器之蜃。共白盛之蜃。

掌蜃主歛蜃灰。以共用者。蜃大蛤也。收其殼。煉之為灰色。白如堊。圍塞也。墻竈也。葬則以蜃灰塗墻。以禦濕也。祭則以蜃灰飾器。取其潔白也。盛成也。白盛為宮室。則以蜃灰飾墻壁。取其素潔也。或云主于宗廟。堊墻也。

圉人。掌圉游之獸禁。牧百獸。祭祀喪紀賓客。共其生獸死獸之物。

圉人主苑囿牧養。以共用。百圍游苑。圍游觀之處。獸禁謂取用有節。蕃息有時。侵盜有罰也。百獸。凡

脂膏羽
鱗之屬

石木曰果
在地曰蔬
有核曰果
無核曰蔬

植生曰果
蔓生曰蔬
木實曰果
實實曰蔬

場人掌國之場圃。而樹之果蓏珍異之物。以時斂而藏之。凡祭祀賓客。共其果蓏。享亦如之。

場人主場圃者。物之方生。闢場為圃。物之既成。築圃為場。樹之種植之也。珍異謂嘉果也。時果蓏成熟之期也。

廩人掌九穀之數。以待國之匪頒。調賜稍食。以歲之上下。數邦用。以知足否。以詔國用。以治年之豐凶。凡萬民之食。食者人四鬴。上也。人三鬴。中也。人二鬴。下也。若食不能人二鬴。則令邦移民就穀。詔王殺邦用。

凡邦有會同師役之事。則治其糧與其食。大祭祀則共其接棟盛。

廩人主藏米之官。廩所以藏米者。治年之豐凶。預為之防也。鬴與釜同。六斗四升也。每人一月食穀四鬴。則年之上也。三鬴則年之中也。二鬴則年之下也。若計度其數且不足。給二鬴之食。是凶年也。則令移不足之民。就有餘之穀。告王者。減國之常用焉。接讀為扱。蓋為糙米。以授春人。使精鑿以共也。

舍人掌平宮中之政。分其財。守以灋。掌其出入。凡祭祀共簠簋。實之陳之。賓客亦如之。共其禮車米。筭米芻禾。喪紀共飯米。熬穀。以歲時。縣種。種之種。以共王。

后之春獻種。掌米粟之出入。辨其物。歲終則會計其政。

舍人主官中用穀者給米於宮中而平其政凡宮中之財守皆分掌之法謂頒米之法也出入謂出於舍人入于宮中也外方內員曰簠外員內方曰簋簠實以稻簋實以黍稷而又陳列之也賓客之禮有筮米陳于中庭車米陳于外門芻禾以供其馬牛飯米飯舍之米以實死者之口也熬穀錯于楛傍所以惑蚍蜉也每歲之春后帥六宮獻種于王舍人豫懸其牲使風氣燥達以其獻也出謂以時頒之入謂以時歛之或出或入皆辨其物色謂別其黍稷稻粱而各藏之也

倉人掌粟入之藏。辨九穀之物。以待邦用。若穀不足。則止餘瀆用。有餘則藏之。以待凶而頒之。凡國之大

事。共道路之穀。積食飲之具。
倉人王藏粟之官所以儲粟者瀆用瀆所常用者不足則止止其急之用不敢求豐也待凶而瀆不敢妄費也

司祿

先王頒祿之制自以國諸侯惡其害已而皆去其籍則祿之闕久矣

司稼掌巡邦野之稼。而辨穰稂之種。周知其名。與其所宜地。以爲瀆而縣于邑間。巡野觀稼。以年之上下。出歛瀆。掌均萬民之食。而調其急。而平其興。

司稼掌種穀者巡行視也以爲瀆以爲稼者之式而縣之邑間使衆皆知之也巡野觀稼省歛也出

歛漢以示徵納也均民之食所謂四鬴二鬴之差也明其急賑其難厄不責償也平其興謂興粟以平其役也

春人掌其米物。祭祀共其齋盛之米。賓客共其牢禮之米。凡饗食共其食米。掌凡米事。

春人主春榆筭揀之事即米事也

饌人掌凡祭祀共盛共王及后之六食。凡賓客共其簠簋之實。饗食亦如之。

饌人主炊者六食六熟之飯也春人春其米而積之饌人炊其米而熟之也

藁人掌其外內朝冗食者。人食。若饗者老孤子士庶子。共其食。

藁人主冗食者內朝路門外之朝外朝司寇斷獄之朝冗散也冗食者法文書之人也士庶子卿大夫之子弟宿衛王宮者士其嫡子庶子其支庶也

